

西吳里語

中國風土志叢刊

◇ 郡縣沿革

◇ 山川改易

◇ 古迹存亡

◇ 風俗演變

◇ 氣候變遷

◇ 鄙事俚語

◇ 人情掌故

◇ 城坊舊聞




明·宋 雷著

西吳里語

《西吳里語》

《西吳里語》四卷，明宋雷著。清《適園叢書》本。

宋雷（？～1550），吳興（今浙江湖州）人。生平不詳。三吳：古時主要以蘇松爲東吳，常潤爲中吳，吳興爲西吳。是書主要記述吳興一地史實掌故、風土民情。有人物，有詩文。內容翔實，爲吳興一地風土專志。書前有明嘉靖丁未（1547）宋雷引。書後有其子宋鑒識。



西吳里語引

予每觀漢會稽朱育述虞翻之對王興者以對濮陽府君未嘗不歎其偉博瞻麗焉矧我吳興故稱江表大郡山水清遠物產繁庶古今著節代不乏人烏可付諸無聞但學者慕遠遺近鑒識籠宇內而舉其鄉之故實曾不悉其十之一二卽有濮陽興之間其何辭以對子用是爲患且予夙好涉覽史傳乘載稗官小說之書凡事有屬我吳興者筆而出之不列歲代不序倫類信手實錄閒有犯孔氏不語之戒踵史臣訛謬遺亡之失冀就正於觀者云爾

嘉靖丁未秋日吳興市隱居士宋雷撰

西吳里語卷一

吳興宋雷著

三吳蘇松爲東吳常潤爲中吳吳興爲西吳

湖州地古曰囑中

晉太康中烏程縣治生蓮花名蓮花閣

吳興舊有慶亭吳孫權射虎於此權射虎時馬爲虎所傷權
投以雙戟虎卻常從擊以戈乃獲虎

智永禪師王逸少七代孫克嗣家法居吳興永欣寺閣三十
年臨逸少真草千文八伯本散在浙東諸寺有禿筆頭十
甕每甕皆數石後取筆頭瘞之號退筆冢自製誌詔人來
請書併請題額者如市所居戶限穴穿乃用鐵葉裹之謂

爲鐵門限人曰智永研作曰到逸少若研穿可到鍾索也
其徒智果會稽人亦居永欣寺隋煬帝甚善之工書銘石
其爲瘦造次難類嘗謂永師曰和尚得右軍肉智果得骨
吳興舊名紫金城又名極樂城隄曰平陽地曰餘安軍曰虎
狼

秦有烏氏程氏各善造酒合其姓爲烏程縣烏氏名巾程氏
名林張景暘七命云酒則荆南烏程是也

吳興上若立下若村出美酒蓋取若谿水造之故美亦名谿
谿劉夢得詩云鸚鵡杯中箸下春

在城飛英寺唐忠顓禪師建刺史高湜又改名宋改今額後
僧雲皎自長安文得舍利七粒歸建石塔藏之神光現於

頂又作木塔以籠之紹興中雷震知州常同獲村後沂王
夫人俞氏重修極爲工緻南北遊者覽之皆云未之見也
蘇子瞻云僕爲吳興守有遊飛英寺詩曰微雨止還作小
窗幽更妍盆山不見日草木自蒼然非吳越閒無此景元
趙子昂蜚英寺塔詩云梯飆直上幾百尺俯視層空馬背
過千里湖山秋色淨萬家煙火夕陽多魚龍滾滾危舟楫
鴻雁冥冥避網羅誰種山中千樹橘側身東望洞庭波
唐天寶末德清縣沈朝家母鵝育卵而出腸以死其雛仰天
號切銜芻草母前若祭奠長吁數聲而死沈氏併其母葬
之里名孝鵝豕出寰宇記今云長興人非是

宋梅聖俞送覺上人歸湖州詩有云子已得袍弼蓋富相與

覺紫衣故云

晉隆安中吳興有人年可二十自號聖公姓謝氏死已百年忽詣陳氏宅言是已舊宅可見還不爾燒汝一夕火發蕩盡因有鵝毛插地繞地周帀數重百姓因起廟

石旻有奇術唐寶歷中隨尚書錢徽至湖州嘗在學院子弟以文丈呼之忽於錢氏兄弟乞免湯餅時暑月獵師數日方得因與其食笑曰可留兔皮鄆誌一事釘皮斬土塗之上朱書一符獨言曰恨較遲錢氏兄弟詢之乃曰欲與諸君共記卯年也至太和九年錢於鳳翔遇害時乙卯歲梅聖俞送任適尉烏程詩云勉作程鄉尉折腰還自甘卞峯晴照黛雪水曉澄藍葑上春田闢蘆中走吏參到時蘋葉

長柳惲賦江南

吳興桑乞妻臨終執乞手曰我死爲當再婚不乞言不忍也服竟更娶白曰見其已死婦曰君先結誓云何負言因以刃割其陽道雖不致死人性永廢

梁吳均字叔庠吳興故鄣人也家世寒賤至均好學有俊才天監初柳惲爲吳興太守召補主簿日引與賦詩均文體清拔有古氣人目爲吳均體均嘗不得意贈惲詩而去久之復來惲遇之如故弗之憾也相贈詩見別條惲稱均於武帝卽日召入賦詩帝悅焉待詔著作先是均將著史以自名欲撰齊書借齊起居注及羣臣行狀武帝不許遂私撰齊春秋至是書成奏之稱帝爲齊明帝佐命帝惡其實

錄謂其書不實使中書舍人劉之遴詰問數十條竟支離
無對帝敕付省焚之坐免職尋有敕召見使撰通史起三
皇迄齊代均草本紀世家已畢惟列傳未就卒均注范曄
後漢書九十卷著齊春秋三十卷廟記十卷十二洲記十
六卷錢唐先賢傳五卷續文釋五卷文集二十卷均吳興
道中詩云團團日西靡客念已蹉跎長風倒危葉輕練網
寒波白雲光影麗青松意氣多所言多飽思忘我北山羅
均與施從事書云故鄣縣東有青山絕壁干天孤峯入漢
緣幘百重青山萬轉歸飛之鳥千翼競來企水之猿百臂
相接秋露爲霜春蘿被徑風雨如晦雞鳴不已信足蕩累
頤物悟衷散眞今長興縣南六十里有青山石竇通太湖

及洞庭山冬月常煖色如黛故名五代楊行密攻錢塘伏
兵青山卽此山均青山詩云家住青山下可上青山望青
山不可上一上一惆悵

梁蘇氏女於霅谿西南岸遇道士遺以五綵龜曰後必大貴
蘇適章景明生女爲陳武帝后因名其地曰貴涇浦又曰
章浦其中生重臺蓮花識者云主出美人後果生后章皇
后生而紫光照室少聰慧美儀容手爪長五寸色並紅白
有替功之服則一爪先折善書計能誦詩及楚辭父封廣
德縣侯母安吉縣君

唐開元初蘇頲爲烏程尉忽墜于縣東南水中聞神語云扶
出蘇公因名曰蘇公潭

晉永昌中會稽張夢嘗夢象問占者萬推推曰象大獸取其
音獸者守也象以齒焚其身君必典大郡恐不得其死茂
後爲吳興太守王敦問鼎茂執正不移敦遣王充攻茂死
之茂妻陸氏後復夫仇詣闕爲夫謝罪追贈茂太僕又云
茂爲吳國內史

吳興畢再遇嘗騎一黑馬翹駿異常號黑大蟲再遇甚愛之
再遇卒其家以鐵絙羈之聞金鼓聲奮迅有赴敵意家人
曰將軍死汝莫生事馬聳聽汪然出涕哀鳴數聲而斃名
之曰義馬今考本傳再遇字德卿兗州人善戰宋南渡時
屢立戰功豈再遇自山東而寓於湖耶更詳之舊迎禧門
有畢氏園云再遇所葺開禧用兵諸將皆敗惟再遇數有

功敵常以水櫃敗我再遇夜縛橐人數千衣以甲冑持旗
幟戈矛儼立成行味爽鳴鼓敵人驚視亟放水櫃旋知其
非眞也甚沮乃出師攻之破大敗又嘗引敵且前且卻至
於再四視日已晚乃以香料煮黑豆布地上復前搏戰佯
爲敗走敵乘勝追逐其馬已飢聞豆香皆就食鞭之不前
我師攻之敵人馬死者不勝計又嘗與敵對壘度敵眾難
與爭鋒一夕援營去慮來相追乃留旗幟於營并縛生羊
置其前二足於鼓上擊鼓有聲敵不覺其空營復相持竟
日始覺欲追則已遠矣

梁蕭猷爲吳興太守吳興故有楚霸王神像在府治聽中猷
每祭神與交飲至一斛每酬祀盡歡極醉神影亦有酒色

祈禱必從猷後爲益州刺史江陽人齊狗兒反眾十萬攻州城猷兵糧俱盡人有異心乃遙禱請救是日有田父逢一騎浴鐵從東方來問去城幾里曰百四十里時日已晡騎舉稍曰後人來可令之疾馬欲及日被賊俄有數百騎如風一騎過請飲田父問爲誰曰吳興楚王來救臨汝侯齊狗兒遂平當此時吳興祈禱於神數日無驗後乃見侍衛土偶皆泥溼如汗猷後封臨汝侯故神云

法帖有烏鎮張氏本舊湖州烏鎮張氏以絳閣二帖鏤木家塾或遇良工模拓亦有可觀後聞板歸新市人家每連紙一幅可打一段

吳嶠雪谿人也年十三作道士時隋煬帝元年過鄴中告其